

et plasmaverunt me : * da mihi intellectum, et discam mandata tua.

Qui timent te videbunt me, et lætabuntur : * quia in verba tua supersperavi.

Cognovi Domine quia æquitas iudicia tua : * et in veritate tua humiliasti me.

Fiat misericordia tua ut consolatur me, * secundum eloquium tuum servo tuo.

Veniant mihi miseraciones tue, et vivam : * quia lex tua meditatio mea est.

Confundantur superbi, quia injuste iniquitatem fecerunt in me : * ego autem exercēbor in mandatis tuis.

Convertantur mihi timētes te : * et qui novērunt testimonia tua.

Fiat cor meum immaculatum in justificationibus tuis, * ut non confundar.

In Dominicis Quadragesimæ, Aña propria.

Tempore Quadrages. in feriali Officio, Aña. Advenērunt nobis dies poenitentiæ, ad redimēda peccata, ad salvandas animas.

Capitulum. Joelis ij. c
Convertimini ad me in toto corde vestro, in jejūnio, et fletu, et planctu. Et scindite corda ve-

stra, et non vestimenta vestra, ait Dominus omnipotens.

℟. breve. Ipse liberavit me, * De laqueo venantium. Ipse. **℣.** Et a verbo aspero. De laqueo. **Gloria Patri.** Ipse liberavit.

℣. Scapulis suis obumbrabit tibi. **℟.** Et sub penis ejus sperabis.

Ad Tertiam, Sextam et Nonam flexis genibus dicitur.

Kyrie eleison. Christe eleison. Kyrie eleison.

Pater noster. **secreto.**

℣. Et ne nos inducas in tentationem. **℟.** Sed libera nos a malo.

℣. Domine Deus virtutum converte nos. **℟.** Et ostende faciem tuam, et salvi erimus.

℣. Exsurge Christe, adjuva nos. **℟.** Et libera nos propter nomen tuum.

℣. Domine exaudi orationem meam. **℟.** Et clamor meus ad te veniat.

℣. Dominus vobiscum. **℟.** Et cum spiritu tuo.

Orēmus. **Oratio conveniens.**

Temp. Passionis in feriali Officio, Aña. Judicasti Domine causam animæ meæ, defensor vitæ meæ, Domine Deus meus.

Capitulum. Jerem. xvij. b

Domine, omnes qui te derelinquunt, confundentur : recedentes a te, in terra scribentur : quoniam dereliquerunt venam aquarum viventium Dominum.

℟. br. Erue a fræmea, * Deus animam meam. Erue. **℣.** Et de manu canis unicam meam. Deus animam meam. Erue.

℣. De ore leonis libera me Domine. **℟.** Et a cornibus unicornium humilitatem meam.

Kyrie eleison. **ut supra.**
Oratio conveniens.

In Dñicis temp. Pasch. Aña. Allelúia, allelúia, allelúia, allelúia.

Capitulum proprium de tempore.

Temp. Pasch. in feriali Officio, Aña. Allelúia, allelúia, allelúia.

Capitulum. Rom. vj. b

Christus resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel : quod autem vivit, vivit Deo.

℟. br. Surrexit Dominus de sepulcro, * Allelúia, allelúia. Surrexit. **℣.** Qui pro nobis pepēdit in li-

gno. Allelúia, allelúia. **Gloria Patri.** Surrexit.

℣. Surrexit Dominus vere, allelúia. **℟.** Et apparuit Simóni, allelúia.

Oratio conveniens.

AD SEXTAM.

Pater noster. Ave María. Deus in adiutorium. **21.**

Hymnus.

Rector potens, verax Deus, Qui temperas rerum vi-

ces, Splendore mane illuminas, Et ignibus meridiem.

Exstingue flammam litium, Aufer calorem noxium, Confer salutem corporum,

Veramque pacem cordium.

Præsta, Pater piissime, Patrique compar Unice, Cum Spiritu Paráclito Regnans per omne sæculum. Amen.

In Dominicis Quadragesimæ, Aña propria.

Tempore Quadrages. in feriali Officio, Aña. Commendemus nosmetipsos.

Tempore Passionis, Aña. Pópule meus.

In Dñicis temp. Pasch. et in feriali Officio, Aña. Allelúia.

Psalmus.

Efecit in salutáre tuum ánima mea: * et in verbum tuum supersperávi.

Defecerunt óculi mei in elóquium tuum, * dicentes: Quando consoláberis me?

Quia factus sum sicut uter in pruína: * justificatiónes tuas non sum oblítus.

Quot sunt dies servi tui: * quando fácies de persecúentibus me iudícium?

Narráverunt mihi iníqui fabulatiónes: * sed non ut lex tua.

Omnia mandáta tua véritas: * iníque persecúti sunt me, ádjuva me.

Paulo minus consummáverunt me in terra: * ego autem non derelíqui mandáta tua.

Secúndum misericórdiam tuam vivífica me: * et custódiám testimónia oris tui.

In ætérnum Dómine, * verbum tuum pérmanet in cælo.

In generatióem et generatióem véritas tua: * fundásti terram, et pérmanet.

Ordinatióem tuam perseverárat dies: * quóniam ómnia sérviant tibi.

Nisi quod lex tua meditátió mea est: * tunc forte períssem in humilitáte mea.

In ætérnum non oblivíscar justificatiónes tuas: * quia in ipsis vivifcásti me.

Tuus sum ego, salvum me fac: * quóniam justificatiónes tuas exquisívi.

Me exspectáverunt peccatóres ut pérderent me: * testimónia tua intelléxi.

Omnis consummátiónis vidi finem: * latum mandátum tuum nimis.

Quómodo diléxi legem tuam Dómine? * tota die meditátió mea est.

Super inimícos meos prudéntem me fecísti mandáto tuo: * quia in ætérnum mihi est.

Super omnes docéntes me intelléxi * quia testimónia tua meditátió mea est.

Super senes intelléxi: * quia mandáta tua quæsívi.

Ab omni via mala prohibui pedes meos: * ut custódiám verba tua.

A iudíciis tuis non declinávi: * quia tu legem posuísti mihi.

Quam dúlcia fáucibus meis elóquia tua, * super mel ori meo!

A mandátis tuis intellé-

xi: * proptérea odívi omnem viam iniquitátis.

Lucérna pèdibus meis verbum tuum, * et lumen sémitis meis.

Jurávi, et státui * custódi-re iudícia justítiæ tuæ.

Humiliátus sum usquequáque Dñe: * vivífica me secúndum verbum tuum.

Voluntária oris mei beneplácita fac Dómine: * et iudícia tua doce me.

Anima mea in mánibus meis semper: * et legem tuam non sum oblítus.

Posuérun peccatóres láqueum mihi: * et de mandátis tuis non errávi.

Hereditáte acquisívi testimónia tua in ætérnum: * quia exsultátió cordis mei sunt.

Inclinávi cor meum ad faciéndas justificatiónes tuas in ætérnum, * propter retributióem.

Iniquos ódio hábui: * et legem tuam diléxi.

Adjútor, et suscèptor meus es tu: * et in verbum tuum supersperávi.

Declináte a me maligni: * et scrutábor mandáta Dei mei.

Súscipe me secúndum elóquium tuum, et vivam: * et non confúndas me ab exspectatióem mea.

Adjuva me, et salvus ero: * et meditábor in justificatióibus tuis semper.

Sprevísti omnes discedéntes a iudíciis tuis: * quia injústa cogitátió eórum.

Prævaricántes reputávi omnes peccatóres terræ: * ideo diléxi testimónia tua.

Confíge timóre tuo carnes meas: * a iudíciis enim tuis tímui.

Feci iudícium et justítiam: * non tradas me calumniántibus me.

Súscipe servum tuum in bonum: * non calumniéntur me supérbi.

Oculi mei defecerunt in salutáre tuum: * et in elóquium justítiæ tuæ.

Fac cum servo tuo secúndum misericórdiam tuam: * et justificatiónes tuas doce me.

Servus tuus sum ego: * da mihi intelléctum, ut sciam testimónia tua.

Tempus faciéndi Dómine: * dissipáverunt legem tuam.

Ideo diléxi mandáta tua, * super aurum et topázion.

Proptérea ad ómnia mandáta tua dirigébar: * omnem viam iníquam ódio hábui.

In Dominicis Quadragesimæ, Aña propria.

Tempore Quadrages. in feriali Officio, Añā. Comendemus nosmetipsos in multa patientia, in jejuniis multis per arma justitiae. **Capitulum.** Isaiae lv. c

Derelinquat impius viam suam, et vir iniquus cogitationes suas, et revertatur ad Dñm, et miserabitur ejus, et ad Deum nostrum, quoniam multus est ad ignoscendum.

R. br. Scapulis suis, * Obumbrabit tibi. Scapulis. **V.** Et sub pennis ejus sperabis. Obumbrabit tibi. **Gloria Patri.** Scapulis.

V. Scuto circumdabit te veritas ejus. **R.** Non timabis a timore nocturno.

Kyrie eleison. Christe eleison. Kyrie eleison. Pater noster. **secreto.**

V. Et ne nos inducas in tentationem. **R.** Sed libera nos a malo.

V. Domine Deus virtutum converte nos. **R.** Et ostende faciem tuam, et salvi erimus.

V. Exsurge Christe, adjuva nos. **R.** Et libera nos propter nomen tuum.

V. Domine exaudi orationem meam. **R.** Et clamor meus ad te veniat.

V. Dominus vobiscum. **R.** Et cum spiritu tuo.

Orémus. Oratio conveniens.

Temp. Passionis in feriali Offic. Añā. Pópule meus quid feci tibi? aut quid molestus fui? Responde mihi.

Capitulum. Jerem. xvij. c
Confundantur qui me persequuntur, et non confundar ego: paveant illi, et non paveam ego: induc super eos diem afflictionis, et duplici contritione conterere eos, Domine Deus noster.

R. breve. De ore leónis, * Libera me Dñe. De ore. **V.** Et a cornibus unicornium humilitatem meam. Libera me. De ore leónis.

V. Ne perdas cum impiis Deus animam meam. **R.** Et cum viris sanguinum vitam meam.

Kyrie eleison. **ut supra.**
Oratio conveniens.

In Dominicis tempore Paschali, Añā. Allelúia, allelúia, allelúia, allelúia.

Capitulum proprium de tempore.

Temp. Pasch. in feriali Officio, Añā. Allelúia, allelúia, allelúia, allelúia.

Capitulum. 1. Cor. xv. c
Christus resurrexit a mortuis primitiae dormientium: quoniam quidem per hominem mors, et

per hominem resurrectio mortuorum. Et sicut in Adam omnes moriuntur, ita et in Christo omnes vivificabuntur.

R. br. Surrexit Dominus vere, * Allelúia, allelúia. Surrexit. **V.** Et apparuit Simóni. Allelúia, allelúia. **Gloria Patri.** Surrexit.

V. Gavisi sunt discipuli, allelúia. **R.** Viso Domino, allelúia.

Oratio conveniens.

AD NONAM.

Pater noster. Ave María. Deus in adiutorium. 21.

Hymnus.

Rerum Deus tenax vigor, Immotus in te permanens, Lucis diurnae tempora Successibus determinans. **L**argire lumen vespere, Quo vita nusquam decadat, Sed praeium mortis sacrae

Perennis instet gloria.

Praesta, Pater piissime, Patrique compar Unice, Cum Spiritu Paraclito Regnans per omne saeculum. Amen.

In Dominicis Quadragesimae, Añā propria.

Tempore Quadrages. in feriali Officio, Añā. Per arma justitiae.

Tempore Passionis, Añā. Numquid redditur.

In Dominicis tempore Pasch. et in feriali Officio, Añā. Allelúia.

Psalmus.

Mirabilia testimonia tua: * ideo scrutata est ea anima mea.

Declaratio sermonum tuorum illuminat: * et intellectum dat parvulis.

Os meum aperui, et atraxi spiritum: * quia mandata tua desiderabam.

Aspice in me, et miserere mei: * secundum iudicium diligentium nomen tuum.

Gressus meos dirige secundum eloquium tuum: * et non dominetur mei omnis iniustitia.

Redime me a calumniis hominum: * ut custodiam mandata tua.

Faciem tuam illumina super servum tuum: * et doce me justificationes tuas.

Exitus aquarum deduxerunt oculi mei: * quia non custodierunt legem tuam.

Justus es Domine: * et reatum iudicium tuum.

Mandasti justitiam testimonia tua: * et veritatem tuam nimis.

Tabescere me fecit zelus meus: * quia obliti sunt verba tua inimici mei.

Ignitum elóquium tuum
veheménter : * et servus
tuus diléxit illud.

Adolescéntulus sum ego,
et contéptus : * justifica-
tiones tuas non sum obli-
tus.

Justítia tua, justítia in
æternum : * et lex tua
véritas.

Tribulátio et angústia
invenérunt me : * mandá-
ta tua meditátio mea est.

Æquitas testimónia tua
in æternum : * intelléctum
da mihi et vivam.

Clamávi in toto corde
meo, exáudi me Dó-
mine : * justificatiónes
tuas requíram.

Clamávi ad te, salvum
me fac : * ut custódiám
mandáta tua.

Præveni in maturitáte,
et clamávi : * quia in ver-
ba tua supersperávi.

Prævenérunt óculi mei
ad te dilúculo : * ut me-
ditárer elóquia tua.

Vocem meam audi secún-
dum misericórdiam tuam
Dómine : * et secúndum ju-
dícium tuum vivífica me.

Appropinqua vérunt per-
sequéntes me iniquitáti : *
a lege autem tua longe
facti sunt.

Prope es tu Dómine : *
et omnes viæ tuæ véritas.

Inítio cognóvi de testi-
móniis tuis : * quia in
æternum fundásti ea.

Vide humilitátem meam,
et éripe me : * quia legem
tuam non sum oblítus.

Júdica judícium meum, et
redíme me : * propter eló-
quium tuum vivífica me.

Longea peccatóribus sa-
lus : * quia justificatiónes
tuas non exquisiérunt.

Misericórdiæ tuæ multæ
Dómine : * secúndum ju-
dícium tuum vivífica me.

Multi qui persecúntur
me, et tribulant me : * a
testimóniis tuis non decli-
návi.

Vidi prævaricántes, et
tabescébam : * quia eló-
quia tua non custodiérunt.

Vide quóniam mandáta
tua diléxi Dómine : * in mi-
sericórdia tua vivífica me.

Principium verbórum
tuórum, véritas : * in æter-
num ómnia judícia justí-
tiæ tuæ.

Príncipes persecúti
sunt me gratis : * et
a verbis tuis formidávit
cor meum.

Lætabor ego super eló-
quia tua : * sicut qui in-
venit spólia multa.

Iniquitátem ódio hábui,
et abominátus sum : * le-
gem autem tuam diléxi.

Sépties in die laudem
dixi tibi, * super judícia
justítiæ tuæ.

Pax multa diligéntibus
legem tuam : * et non est
illis scándalum.

Exspectábam salutáre
tuum Dómine : * et man-
dáta tua diléxi.

Custodívit ánima mea
testimónia tua : * et dilé-
xit ea veheménter.

Servávi mandáta tua, et
testimónia tua : * quia om-
nes viæ meæ in conspéctu
tuo.

Appropinquet deprecá-
tio mea in conspéctu tuo
Dómine : * juxta eló-
quium tuum da mihi in-
tellectum.

Intret postulátio mea in
conspéctu tuo : * secún-
dum elóquium tuum éripe
me.

Eructábunt lábia mea
hymnum, * cum docúeris
me justificatiónes tuas.

Pronuntiábit lingua mea
elóquium tuum : * quia
ómnia mandáta tua æqui-
tas.

Fiat manus tua ut salvet
me : * quóniam mandáta
tua elégi.

Concupivi salutáre tuum
Dómine : * et lex tua me-
ditátio mea est.

Vivet ánima mea, et

laudábit te : * et judícia
tua adjuvábunt me.

Errávi, sicut ovis quæ
périt : * quære servum
tuum, quia mandáta tua
non sum oblítus.

*In Dominicis Quadrage-
simæ, Aña propria.*

*Tempore Quadrages. in
feriali Officio, Aña.* Per
arma justítiæ virtútis Dei
commendemus nosmet-
ipsos in multa patientia.

Capitulum. Isaia lviij. c

FRange esuriénti pa-
nem tuum, et egénos
vagósque induc in do-
mum tuam : cum videris
nudum, óperi eum, et car-
nem tuam ne despéxeris.

R. breve. Scuto circú-
dabit te, * Véritas ejus.
Scuto. *V.* Non timébis a
timóre noctúrno. Véritas.
Glória Patri. Scuto.

V. Angelis suis Deus
mandávit de te. *R.* Ut cu-
stódiat te in ómnibus viis
tuis.

KYrie eléison. Christe
eléison. KYrie eléison.

Pater noster. *secreto.*

V. Et ne nos indúcas in
tentatiónem. *R.* Sed líbe-
ra nos a malo.

V. Dómine Deus virtú-
tum convérte nos. *R.* Et
osténde faciém tuam, et
salvi érimus.

V. Exsúrge Christe, ád-juva nos. **R.** Et libera nos propter nomen tuum.

V. Dómine exáudi oratió-
nem meam. **R.** Et clamor meus ad te véniat.

V. Dóminus vobíscum.
R. Et cum spírítu tuo.

Oratio conveniens.

**Temp. Passionis in feria-
li Officio, Aña.** Numquid rédditur pro bono malum, quia fodérunt fóveam áni-
mæ meæ?

Capitulum. Jerem. xviii. d.

R. Recordáre quod stéte-
rim in conspéctu tuo, ut lóquerer pro eis bonum, et avérterem indignatió-
nem tuam ab eis.

R. br. Ne perdas cum ím-
piis, * Deus ánimam meam. Ne perdas. **V.** Et cum viris sánguinem vitam meam. Deus. Ne per-
das.

V. Eripe me Dómine ab hómine malo. **R.** A viro iníquo éripe me.

Kyrie eléison. **ut supra.**

Oratio conveniens.

In Dñicis temp. Pasch. Aña. Allelúia, allelúia, allelúia, allelúia.

Capitulum proprium de tempore.

Temp. Pasch. in feriali Officio, Aña. Allelúia, allelúia, allelúia, allelúia.

Capitulum. 1. Petri iij. d.

C. Christus semel pro pec-
cátis nostris mórtuus est, justus pro injústis, ut nos offérret Deo, mortifi-
cátus quidem carne, vivifi-
cátus autem spírítu.

R. br. Gavísi sunt disci-
puli, * Allelúia, allelúia. Gavísi. **V.** Viso Dómino. Allelúia, allelúia. Glória Patri. Gavísi.

V. Mane nobíscum Dó-
mine, allelúia. **R.** Quóniam advesperáscit, allelúia.

Oratio conveniens.

**Vesperæ in Dominica, et in Feriis, habentur in-
ferius post Laudes Sab-
bati.**

FERIA SECUNDA
AD MATUTINUM.

Pater noster. Ave María. Credo. **V.** Dómine lábia mea. **ut supra. 2.**

In Quadrages. Invit. Ve-
níte, * Exsultémus Dómi-
no. **Ps.** Jubilémus Deo. **2.**

Hymn. Ex more docti. **3.**

Temp. Paschali, Invitat. Allelúia, allelúia, * Alle-
lúia. **Ps.** Veníte, exsulté-
mus. **2. Hymn.** Rex sem-
pitérne. **4.**

Añæ Nocturnorum per totum Annum dic. ut infra. Aña. Dóminus defénsor.

Tempore Paschali, Aña. Allelúia. **sub qua una Aña dicuntur omnes Psalmi Nocturnorum.**

Psalmus cxvij.

B. Ominus illuminátio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocétes, * ut edant carnes meas :

Qui tríbulant me inimi-
ci mei, * ipsi infirmáti sunt et cecidérunt.

Si consistant advérsus me castra, * non timébit cor meum.

Si exsúrgat advérsus me prélium, * in hoc ego sperábo.

Unam pétii a Dómino, hanc requíram, * ut inhá-
bitem in domo Dómini óm-
nibus diébus vitæ meæ :

Ut vídeam voluptátem Dómini, * et visitem tem-
plum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimicos meos.

Circuíví, et immolávi in tabernáculo ejus hóstiam

vociferatiónis : * cantábo, et psalmum dicam Dño.

Exáudi Dómine vocem meam, qua clamávi ad te : * miserére mei, et exáudi me.

Tibi dixit cor meum, ex-
quisívit te fácies mea : * fáciem tuam Dómine re-
quíram.

Ne avértas fáciem tuam a me : * ne declínes in ira a servo tuo.

Adjútor meus esto : * ne derelínquas me, neque despicias me Deus salutáris meus.

Quóniam pater meus, et mater mea dereliquerunt me : * Dóminus autem assúmpsit me.

Legem pone mihi Dómine in via tua : * et dí-
rige me in sémitam rectam propter inimicos meos.

Ne tradíderis me in áni-
mas tribulántium me : * quóniam insurrexérunt in me testes iníqui, et men-
títa est iníquitas sibi.

Credo vidére bona Dómini * in terra vivéntium.

Exspécta Dñum, viríliter age : * et confortétur cor tuum, et sústine Dóminum.

Psalmus cxvij.

A. D te Dómine clamábo, Deus meus, ne síleas a me : * nequándo táceas

a me, et assimilabor descendéntibus in lacum.

Exáudi Dómine vocem deprecationis meæ dum oro ad te : * dum extóllo manus meas ad templum sanctum tuum.

Ne simul trahas me cum peccatóribus : * et cum operántibus iniquitatem ne perdas me.

Qui loquúntur pacem cum próximo suo, * mala autem in córdibus eórum.

Da illis secúndum ópera eórum, * et secúndum nequítiam adinventiónum ipsórum.

Secúndum ópera mánuum eórum tríbue illis : * redde retributiónem eórum ipsis.

Quóniam non intellexérunt ópera Dómini, et in ópera mánuum ejus * destrues illos, et non ædificábis eos.

Benedíctus Dóminus : * quóniam exaudivit vocem deprecationis meæ.

Dóminus adjutor meus, et protéctor meus : * in ipso sperávit cor meum, et adjútus sum.

Et reflóruit caro mea : * et ex voluntáte mea confitébor ei.

Dóminus fortitúdo plebis suæ : * et protéctor

salvatiónum Christi sui est.

Salvum fac pópulum tuum Dómine, et benedic hereditáti tuæ : * et rege eos, et extólle illos usque in ætérnum.

Añã. Dóminus defénsor vitæ meæ.

Añã. Adoráte.

Psalmus xxviii.

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificentia.

Vox Dómini confringéntis cedros : * et confringet Dóminus cedros Líbani :

Et commínuet eas tamquam vitulum Líbani : * et diléctus quemádmóduum filius unicórnium.

Vox Dómini intercédentis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis

cervos, et revelábit condénsa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedícet pópulo suo in pace.

Psalmus xxix.

Exaltábo te Dómine quóniam suscepisti me : * nec delectásti inimicos meos super me.

Dómine Deus meus clamávi ad te, * et sanásti me.

Dómine eduxísti ab inférno ánimam meam : * salvásti me a descendéntibus in lacum.

Psállite Dómino sancti ejus : * et confitémini memoriæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus ; * et ad matutinum lætítia.

Ego autem dixi in abundantia mea : * Non movébor in ætérnum.

Dómine in voluntáte tua, * præstitísti decóri meo virtútem.

Avertísti fáciem tuam a me, * et factus sum conturbátus.

Ad te Dómine clamábo : * et ad Deum meum deprecábor.

Quæ utilitas in sángine meo, * dum descéndo in corruptióne?

Numquid confitébitur tibi pulvis, * aut annuntiábit veritatem tuam?

Audívit Dóminus, et misértus est mei : * Dóminus factus est adjutor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine Deus meus in ætérnum confitébor tibi.

Añã. Adoráte Dóminum in aula sancta ejus.

Añã. In tua justítia.

Psalmus xxx.

In te Dómine sperávi, non confúndar in ætérnum : * in justítia tua líbera me.

Inclína ad me aurem tuam, * accélera ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es prótector meus.

In manus tuas comméndo spíritum meum : * redemísti me Dómine Deus veritátis.

Odísti observátes vanitátes, * supervácue.

Ego autem in Dño sperávi : * exsultábo, et lætábor in misericórdia tua.

Quóniam respexísti humilitátem meam, * salvásti de necessitátibus ánimam meam.

Nec conclusísti me in má nibus inimíci : * statuísti in loco spatióso pedes meos.

Miserére mei Dómine, quóniam tríbulor : * conturbátus est in ira óculus meus, ánima mea, et venter meus :

Quóniam defécit in dolóre vita mea : * et anni mei in gemítibus.

Infirmáta est in paupertáte virtus mea : * et ossa mea conturbáta sunt.

Super omnes inimícos meos factus sum opprobrium et vicínis meis valde : * et timor notis meis.

Qui vidébant me, foras fugérunt a me : * obliuóni datus sum, tamquam mórtuus a corde.

Factus sum tamquam vas pérditum : * quóniam audívi vituperatió nem multórum commorántium in circúitu :

In eo dum convenirent simul advérsus me, * accípere ánimam meam consiliáti sunt.

Ego autem in te sperávi Dómine : * dixi : Deus meus es tu : in má nibus tuis sortes meæ.

Eripe me de manu inimicórum meórum, * et a persequéntibus me.

Illústra faciém tuam super servum tuum, salvum me fac in misericórdia tua : * Dómine non confúndar, quóniam invocávi te.

Erubéscant ímpii, et deducántur in inférnum : * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Quam magna multitúdo dulcédinis tuæ Dómine, * quam abscondísti timéntibus te.

Perfecísti eis, qui sperant in te, * in conspéctu filiórum hóminum.

Abscóndes eos in abscondito faciéi tuæ * a conturbatióne hóminum.

Próteges eos in taberná-

culo tuo * a contradicióne linguárum.

Benedíctus Dóminus : * quóniam mirificávit misericórdiam suam mihi in civitáte muníta.

Ego autem dixi in excéssu mentis meæ : * Projéctus sum a fácie oculórum tuórum.

Ideo exaudísti vocem oratiónis meæ, * dum clamárem ad te.

Diligíte Dóminum, omnes sancti ejus : * quóniam veritátem requíret Dóminus, et retríbuet abundánter faciéntibus supérbiám.

Viríliter ágite, et confortétur cor vestrum, * omnes qui sperátis in Dómino.

Psalmus cxxj.

BEáti, quorum remissæ sunt iniquitátes : * et quorum tecta sunt peccáta.

Beátus vir, cui non impúta vit Dñus peccátum, * nec est in spíritu ejus dolus.

Quóniam tácuí, inveteráverunt ossa mea, * dum clamárem tota die.

Quóniam die ac nocte graváta est super me manus tua : * convérsus sum in ærúmna mea, dum configitur spina.

Delíctum meum cógnitum tibi feci : * et injustitiam meam non abscondi.

Dixi : Confitébor advérsus me injustitiam meam Dómino : * et tu remisísti impietátem peccáti mei.

Pro hac orábit ad te omnis sanctus, * in témpore oportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me : * exsultátió mea érué me a circúmdántibus me.

Inteléctum tibi dabo, et ínstruam te in via hac, qua gradiéris : * firmábo super te óculos meos.

Nolíte fieri sicut equus et mulus, * quibus non est intélléctus.

In camo et freno maxíllas eórum constríngite, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino et exsultáte justí, * et gloriámini omnes recti corde.

Añá. In tua justítia líbera me Dómine.

Añá. Rectos decet.

Psalmus cxxij.

EXsultáte justí in Dómino : * rectos decet collaudátió.

Confitémini Dómino in cíthara: * in psalterio decem chordarum psállite illi.

Cantáte ei canticum novum: * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et iudícium: * misericórdia Dómini plena est terra.

Verbo Dómini coeli firmáti sunt: * et spíritu oris ejus omnis virtus eórum.

Cóngregans sicut in utre aquas maris: * ponens in thesáuris abyssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus díssipat consília Géntium: * réprobat autem cogitatiónes populórum, et réprobat consília princípum.

Consílium autem Dñi in ætérnum manet: * cogitatiónes cordis ejus in generatióne et generatióne.

Beáta gens, cujus est Dóminus, Deus ejus: * pópulus, quem elégit in hereditátem sibi.

De cælo respéxit Dómi-

nus: * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multítudine virtútis suæ.

Fallax equus ad salutem: * in abundántia autem virtútis suæ non salvábitur.

Ecce óculi Dómini super metuéntes eum: * et in eis, qui sperant super misericórdia ejus.

Ut eruat a morte ánimas eórum: * et alat eos in fame.

Anima nostra sústinet Dñum: * quóniam adjútor et protéctor noster est.

Quia in eo lætábitur cor nostrum: * et in nómine sancto ejus sperávimus.

Fiat misericórdia tua Dñe super nos: * quemámodum sperávimus in te.

Psalmus cxxij.

Benedicam Dñum in omni témpore: * semper laus ejus in ore meo.

In Dómino laudábitur ánima mea: * áudiant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudivit me: * et ex ómnibus tribulatióibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudivit eum: * et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum: * et erípiet eos.

Gustáte, et vidéte quóniam suávis est Dóminus: * beátus vir, qui sperat in eo.

Timéte Dóminum omnes sancti ejus: * quóniam non est inópia tíméntibus eum.

Dívites eguérunt et esuriérunt: * inquirentes autem Dóminum non minuéntur omni bono.

Veníte filii, audíte me: * tímórem Dñi docébo vos.

Quis est homo qui vult vítam: * díligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquire pacem, et perséquere eam.

Oculi Dómini super justos: * et aures ejus in preces eórum.

Vultus autem Dñi super faciéntes mala: * ut perdat de terra memóriam eórum.

Clamavérunt justí, et Dóminus exaudivit eos: * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde: * et húmiles spíritus salvábit.

Multæ tribulatióes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum delínquent.

Rédimet Dóminus ánimas servórum suórum: * et non delínquent omnes qui sperant in eo.

Añã. Rectos decet colaudátió.

Añã. Expúgna.

Psalmus cxxij.

Judica Dómine nocéntes me: * expúgna impugnántes me.

Apprehénde arma et scutum: * et exsúrge in adjutórium mihi.

Effúnde frámeam, et conclúde advérsus eos, qui persequúntur me: * dic